

3. *Vel per Instantiam*, quando Propositioni universali singularis contraria opponitur, ut:

O. *animal videt:*

Homo est animal:

E. Homo videt.

*Per Instantiam* ad majorem potest responderi ita subsumendo: *Atqui talpa est animal: E. Talpa videt.* Quod contra experientiam. *Scalig. Exerc. 244. p. 743.* Scribit tamen, quod obiter addo: *B. Sperlingius in Zoologia p 303.* Talpam caecam non esse. *Cæcior talpâ*, proverbialis, *inquit*, est locutio. Sed videt talpa, licet obscurius, & magis in tenebris, quàm luce clarâ. Habet oculos, sed tectos. Cute enim detractâ orbiculus quidam in loco oculorum apparet. Quem frustra fecisse naturam, absurdum est.

4. *Vel per Concessionem*, quum totum argumentum concedimus, tanquam id, quod nobis non obest. ut: *Si probaturus, bona opera esse necessaria ad salutem, tantum evinceret, esse ea necessaria*, ejus totum argumentum concedi posset, utpote quod nihil contra nos.

5. *Vel*